



Iloqarfigisaaq qimallugu erniartortartut ilaqutaasalu, unammillernartumik atugarisaasa qulaajaanermik iliuusissatullu pilersaarummik suliaqaqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Iliuusissatut pilersaarut UKA24-p aallartinnginnerani saqqummiunneqarsimassaaq.

(Inatsisartuunut ilaasortaq Mikivusuk Thomassen, Inuit Ataqtigiit)
(siullermeerneqarnera)

Qujanaq Inatsisartuunut ilaasortaq Mikivusuk Thomassen siunnersuummut.

Ernineq arnanut tamanut ilaqutariillu inuunerannut pisut annerpaat ilagaat. Taamaattumik aamma pingaartuuvoq, erninerup toqqissisimasumik misigineqarnissaa. Misigisaaq eqqaamasassaaq. Misigisaaq ataatsimoorullugu eqqaamaneqartussaaq.

Ajoraluartumilli tamarmiunngillat, nuannersumik erninerminni misigisaaqartut. Ernisussat arlaqartut sungiusimasatik toqqissisimaaffigisatillu qimallugit aallartariaqartarput. Meeqqamut ataataasooq qimallugu. Ilaquttatik qimallugit.

Ernisarfiusinnaasullu ikiligaluttuinnarlutik. Taakkulu soorunami kinguneraat, ernisussat amerligaluttuinnartut illoqarfik angerlarsimaaffisik qimallugu erniartorlutik aallartariaqartarnerat. Tassunga atatillugu qulakkeertariaqarparput, taakku ernisussat pitsaanerpaamik misigisaaqartinnissaat.

Kisianni qanoq iliussaagut? Qulakkiissavarput, pisinnaatitaaffiusooq, meeqqamut ataataasut imaluunniit alla qanigisaaq ilaasalissasooq? Suliniutigisavarput nakorsat pitsaanerumik atugaqartinneqarnissaat piffinni minnerusuni, taamaasiornikkut ernisarfinnik ammaanissaaq imaluunniit ernisarfinnik ammaaqqinnissaaq periarfissanngorlugu? Taakku apeqquutillu allat misissussallugit pissusissamisoorpoq erniarortarnernut iliuusissatut pilersaarummik sananissamut.

Demokraatit siunnersuut akuerineqassasooq innersuussutigalugu Ilaqutariinnermut- aamma Peqqissutsimut ataatsimiititaliami suliareqqinneqarnissaa innersuussutigaaq.